

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 14. stav (2) Zakona o inspekcijama Zeničko-dobojskog kantona („Službene novine Zeničko-dobojskog kantona“, broj: 6/11), članom 31. Zakona o državnoj službi Federacije Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06 i 4/12), članom 18. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 13/19) i Mišljenja Agencije za državnu službu Federacije Bosne i Hercegovine, broj: 08-30-8-218-26/20 od 17.03.2021. godine, Vlada Zeničko-dobojskog kantona, na 100. sjednici, održanoj dana 02.04.2021. godine, donosi

RJEŠENJE
o postavljenju direktora Kantonalne uprave za inspekcijske poslove
Zeničko-dobojskog kantona

I.

Besim Spahić, bakalaureat/bachelor inženjer saobraćaja i komunikacija, postavlja se na radno mjesto „direktora“ u Kantonalnoj upravi za inspekcijske poslove Zeničko-dobojskog kantona za koje je određen II (drugi) platni razred - rukovoditelj samostalne kantonalne uprave.

II.

Imenovani preuzima dužnost polaganjem i potpisivanjem zakletve vjernosti po obavijesti Agencije za državnu službu Federacije Bosne i Hercegovine da je konkursna procedura okončana i da može početi sa radom, odnosno po konačnosti ovog rješenja kada će se posebnim rješenjem regulisati sva prava i obaveze imenovanog iz radnog odnosa.

Obrazloženje

Postupajući po zahtjevu, Agencija za državnu službu Federacije Bosne i Hercegovine objavila je javni konkurs za popunu radnog mjesta rukovodećeg državnog službenika „direktor“ Kantonalne uprave za inspekcijske poslove Zeničko-dobojskog kantona.

Nakon okončane konkursne procedure za popunu upražnjenog radnog mjesta rukovodećeg državnog službenika u Kantonalnoj upravi za inspekcijske poslove Zeničko-dobojskog kantona, dostavljanja Liste uspješnih kandidata od strane Agencije za državnu službu Federacije Bosne i Hercegovine broj: 08-30-8-218-22/20 od 08.03.2021. godine i pribavljenog Mišljenja Agencije za državnu službu Federacije Bosne i Hercegovine, broj: 08-30-8-218-26/20 od 17.03.2021. godine o ispunjavanju uvjete za postavljenje na radno mjesto državnog službenika, za kandidata Besima Spahića, koji je u okviru javnog konkursa rangiran na prvom mjestu Liste uspješnih kandidata i sa najvećim procentom osvojenih bodova na stručnom ispitu, dakle kao najbolje ocjenjeni kandidat i za kojeg je procijenjeno da će najbolje obavljati poslove ovog radnog mjesta, stekli su se uslovi da se, shodno članu 31. stav 4. Zakona o državnoj službi u Federaciji Bosne i Hercegovine, izvrši postavljenje imenovanog na radno mjesto navedeno u dispozitivu ovog rješenja. Članom 31. stav 6. Zakona o državnoj službi u Federaciji Bosne i Hercegovine, propisano je da postavljeni državni službenik preuzima dužnost polaganjem zakletve vjernosti pred rukovodiocem organa državne službe.

Platni razred za navedeno radno mjesto utvrđen je u skladu sa članom 20. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog

kantona“, broj: 1/18, 10/19 i 11/19-isp.).

Članom 14. stav 2. Zakona o inspekcijama Zeničko-dobojskog kantona („Službene novine Zeničko-dobojskog kantona“, broj: 6/11) je propisano da direktora postavlja Vlada Kantona u skladu sa Zakonom o državnoj službi.

Na osnovu navedenog, rješeno je kao u dispozitivu ovog rješenja.

Pravna pouka: Protiv ovog rješenja može se izjaviti žalba Odboru državne službe za žalbe Federacije BiH, u roku od 15 dana od prijema rješenja.

PREMIJER

Mirnes Bašić

Broj: 02-_____ /21

Datum, 02.04.2021. godine

Zenica

DOSTAVLJENO:

- 1x Imenovani,
- 1x Kantonalna uprava za inspekcijske poslove,
- 1x Agencija za državnu službu FBiH,
- 1x Personalni dosije,
- 1x Oglasna tabla,
- 1x a/a.